


T 2511
8243

CHINESE - JAPANESE LIBRARY OF
HARVARD - YENCHING INSTITUTE
AT HARVARD UNIVERSITY
SEP 1 1938

の
こ
の

后妃一



后妃傳第一

通志十九

前漢

高祖呂皇后

戚夫人

孝惠張皇后

高祖薄姬

孝文竇皇后

后兄長君弟少君

孝景薄皇后

孝景王皇后

孝武陳皇后

孝武衛皇后

孝武尹婕妤

邢夫人

孝武鉤弋趙婕妤

孝武李夫人

孝昭上官皇后

桀安

衛太子史良娣

史皇孫王夫人



孝宣許皇后

孝宣霍皇后

孝宣王皇后

孝元王皇后

孝成許皇后

孝成班婕妤

孝成趙皇后

孝元傅昭儀

定陶丁姬

孝哀傅皇后

孝元馮昭儀

中山衛姬

孝平王皇后

後漢 公主附

光武郭皇后

光烈陰皇后

明德馬皇后

賈貴人

章德竇皇后

梁貴人

和帝陰皇后

和熹鄧皇后

安思閻皇后

順烈梁皇后

虞美人 陳夫人

孝崇匱皇后

桓懿獻梁皇后

桓鄧皇后

桓思竇皇后

孝仁董皇后

靈帝宋皇后

靈思何皇后

王美人 弘農王唐姬

獻帝伏皇后

獻穆曹皇后

魏

武宣下皇后

文昭甄皇后

文德郭皇后

明悼毛皇后

明元郭皇后

蜀

先主甘皇后

先主穆皇后

後主敬哀皇后

後主張皇后

吳

孫破虜吳夫人

吳景

吳主權謝夫人

謝承

吳主權徐夫人

徐琨

吳主權步夫人

吳主權王夫人

吳主權王夫人

吳主權潘夫人

孫亮全夫人

孫休朱夫人

孫和何姬

孫皓滕夫人

前漢

班固曰自古受命帝王及繼體守文之君非獨內德茂也蓋亦有外戚之助焉夏之興也以塗山而桀之放也用末喜殷之興也以有娥及有嬖而紂之滅也嬖妲己周之興也以姜嫄及大任大姒而幽王之禽也淫褒姒

故易基乾坤詩首關雎書美釐降春秋譏不親迎夫婦
之際人道之大倫也禮之用唯婚姻為兢兢夫樂調而
四時和陰陽之變萬物之統也可不慎與人能弘道末
如命何甚哉妃匹之愛君不能得之臣父不能得之子
況卑下乎既驩合矣或不能成子姓成子姓矣而不能
要其終豈非命也哉孔子罕言命蓋難言之非通幽明
之變惡能識乎性命漢興因秦之稱號帝母稱皇太后
祖母稱太皇太后適稱皇后妾皆稱夫人又有美之良
八八子七子長使少使之號焉至武帝制婕妤娥俗

華充依各有爵位而元帝加昭儀之號凡十四等云昭
儀位視丞相爵比諸侯王婕妤視上卿比列侯姪娥視
中二千石比關內侯俗華視真一千石比大上造美人
視二千石比少上造八子視千石比中更充依視千石
比左更七子視八百石比右庶長良人視八百石比左
庶長長使視六百石比五大夫少使視四百石比公乘
五官視二百石順常視二百石無涓共和娛靈保林良
使夜者皆視百石上家人子中家人子視有秩斗食云
五官以下葬司馬門外

高祖呂皇后父呂公單父人也好相人高祖微時呂公見而異之乃以女妻高祖生惠帝魯元公主高祖爲漢王元年封呂公爲臨泗侯二年立孝惠爲太子後漢王得定陶戚姬愛幸生趙隱王如意太子爲人仁弱高祖以爲不類已常欲廢之而立如意言如意類我戚姬常從上之關東日夜啼泣欲立其子呂后年長常留守希見益踈如意且立爲趙王留長安幾代太子者數賴公卿大臣爭之及叔孫通諫用留侯之策得無易呂后爲人剛毅佐高帝定天下兄二人皆爲列將從征伐長兄

澤爲周呂侯次兄釋之爲建城侯逮高祖而侯者三人高祖四年臨泗侯呂公薨高祖崩惠帝立呂后爲皇太后廼令永巷囚戚夫人髡鉗衣赭衣令舂戚夫人舂且歌曰子爲王母爲虜終日舂薄暮常與死爲伍相離三千里當誰使告女太后聞之大怒曰乃欲倚女子邪乃召趙王誅之使者三反趙相周昌不遣太后召趙相相徵至長安使人復召趙王王來惠帝慈仁知太后怒自迎趙王霸上入宮挾與起居飲食數月帝晨出射趙王不能蚤起太后伺其獨居使人持鳩飲之遲帝還趙王

死太后遂斷戚夫手足去眼熏耳飲瘖藥使居鞠域
中名曰人彘居數月迺召惠帝視人彘帝視而問知其
戚夫人迺大哭因病歲餘不能起使人請太后曰此非
人所爲臣爲太后子終不能復治天下以此日飲爲淫
樂不聽政七年而崩太后發喪哭而泣不下留侯子張
辟彊爲侍中年十五謂丞相陳平曰太后獨有帝今哭
而不悲君知其解未陳平曰何解辟彊曰帝無壯子太
后畏君等今請拜呂台呂產爲將將兵居南北軍及諸
官居中用事如此則太后心安君等幸脫禍矣永

相如辟彊計請之太后說其哭甚哀呂氏權由此起延
立孝惠後宮子爲帝太后臨朝稱制復殺高祖子趙幽
王友共王恢及燕靈王建遂立周呂侯子台爲呂王台
弟產爲梁王建城侯釋之子祿爲趙王台子通爲燕王
又封諸呂凡六人皆爲列侯追尊父呂公爲呂宣王兄
周呂侯爲悼武王太后八年春袞還道見物如犬據其
掖卜云趙王如意爲祟遂病掖傷病困以趙王祿爲上
將軍居北軍梁王產爲相國居南軍戒產祿曰高祖與
大臣約非劉氏王者天下共擊之今王呂氏大臣不平

我即崩恐其為變必據兵衛宮慎毋送喪為人所制太后崩太尉周勃丞相陳平朱虛侯劉章等共誅產祿采捕諸呂男女無少長皆斬之而迎立代王是為孝文皇帝

孝惠張皇后宣平侯

敖女也

尚帝姊魯元公主生后惠帝即

位呂太后欲為重親以公主女配帝為皇后欲其生子萬方終無子廼使陽為有身取後宮美人子名之殺其母立所名子為太子惠帝崩太子立為帝四年廼自知非皇后子出言曰太后安能殺吾母而名我我壯即為所為太后聞而患之恐其作亂廼幽之永巷帝病甚左

石莫得見太后下詔廢之語在高后紀遂幽死更立恒山王弘為皇帝而以呂祿女為皇后欲連根固本牢甚然而無益也呂太后崩大臣正之卒滅呂氏少帝恒山淮南濟川王皆以非孝惠子誅獨置孝惠皇后廢處北宮孝文後元年薨葬安陵不起墳

高祖薄姬文帝母也父吳人秦時與故魏王宗家女魏媼通生薄姬而薄姬父死山陰因葬焉及諸侯叛秦魏豹立為魏王而魏媼內其女於魏宮許負相薄姬當生天子是時項羽方與漢王相距滎陽天下未有所定豹

初與漢擊楚及聞許負言心獨喜因背漢而中立與楚連和漢使曹參等虜魏王豹以其國爲郡而薄姬輸織室漢王入織室見薄姬有色詔內後宮歲餘不得幸始姬少時與管夫人趙子兒相愛約曰先貴無相忘已而管夫人趙子兒先幸漢王漢王四年王坐河南宮成臯靈臺此二美人侍相與笑薄姬初時約漢王問其故俱以實告漢王心悽然憐薄姬是日召欲幸之對曰昨暮夜夢蒼龍據妾胷上曰此貴徵也吾爲汝遂成之一幸生男是爲代王其後希見高祖崩諸御幸姬戚夫人之

屬吕后皆幽之不得出宮而薄姬以希見故得出從子之代爲代王太后其弟薄昭從如代代王立十七年高皇后崩大臣議立後疾外家吕氏彊暴皆稱薄氏仁善故立代王爲皇帝尊太后爲皇太后封弟薄昭爲軹侯太后母亦前死葬櫟陽北廼追尊太后父爲靈文侯會稽郡置園邑三百家長丞已下使奉守寢廟上食祠如法而櫟陽亦置靈文夫人園令如靈文侯園儀太后蚤失父其奉太后外家魏氏有力廼召復魏氏賞賜各以親䟽受之薄氏侯者一人太后後文帝二歲孝景前二

家江觀津姓竇氏廣國去時蚺少識其縣名及姓又嘗
與其姊採桑墮用爲符信上書言自陳竇皇后言之於文
帝召見問之具言其故果是又復問他以何爲驗對曰
姊去我西時與我決於傳舍中勺沐沐我請食飯我廼
去於是竇后持之而涕泣交橫下侍御左右皆伏地泣
助皇后悲哀廼厚賜金錢田宅家於長安絳侯灌將軍
等曰吾屬不死命廼且縣此兩人兩人所出微不可不
爲擇師傅賓客又復效呂氏大事也於是乃選士之有
節行者與居竇長君少君用此爲退讓君子不敢以尊

貴驕人竇皇后疾失明文帝所幸邯鄲慎夫人尹姬皆
無子文帝崩景帝立皇后爲呂太后封廣國爲章武侯
長君前死封其子彭祖爲南少侯吳楚反時太后從昆
弟竇嬰俠喜士爲大將軍破口六楚封魏其侯竇氏凡三
人侯竇太后好黃帝老子言景帝及諸竇不得不讀黃
帝老子而尊其術太后後景帝十六歲凡立五十一年建
元六年崩合葬霸陵遺詔盡以東宮金錢財物賜長公
主嫖至孝武帝時魏其侯竇嬰爲丞相後誅
孝景薄皇后孝文薄太后家女也景帝爲太子時薄太

年崩葬南陵用吕后不合葬長陵故特自起陵近孝文
霸陵

孝文竇皇后景帝母也趙之清河觀津人吕后時以良
家子選入宮侍太后太后出宮人以賜諸王各五人竇
姬與在行中家在清河願如趙近家請其主遣宦者吏
必置我籍趙之伍中宦者忘之誤置籍代伍中籍奏詔
可當行竇姬泣涕怨其宦者不欲往相彊廼肯行至代
代王獨幸竇姬生女嫫孝惠七年生景帝代王王后生
四男先代王未入立爲帝而王后卒及代王爲帝後王

后所生四男更病死文帝立數月公卿請立太子而竇
姬男最長立爲太子竇姬爲皇后嫫爲館陶長公主明
年封少子武爲代王後徙梁是爲梁孝王竇皇后親蚤
卒葬觀津於是薄太后詔追封竇皇后父爲安成侯母
曰安成夫人令清河置園邑一百家長丞奉守比靈文
園法竇后兄長君弟曰廣國字少君年四五歲家貧爲
人所略賣其家不知其處傳十餘家至宜陽爲其主人
入山作炭暮卧岸下百餘人岸崩盡壓殺卧者少君獨
脫不死自卜數日常爲侯從其家之長安聞皇后新立

后取以爲太子妃景帝立立薄妃爲皇后無子無寵立
六年薄太后崩皇后廢廢後四年薨葬長安城東平望
亭南

孝景王皇后武帝母也槐里人母曰臧兒故燕王臧荼
孫也嫁爲槐里王仲妻生田信與兩女而仲死臧兒更
嫁長陵田氏主男蚡勝臧曰長女嫁爲金王孫婦生一
女矣而臧兒卜筮之曰兩女皆當貴因欲倚兩女廼奪
金氏金氏怒不肯與決乃六之太子宫太子幸愛之生
二女一男男方在身時王夫人夢日入其懷以告太子

太子曰此貴徵也未生而文帝崩景帝即位王夫人生
男是時薄皇后無子後數歲景帝立齊栗姬男爲太子
而王夫人男爲膠東王長公主嫖有女欲與太子爲妃
栗姬妬而景帝諸美人皆因長公主見得貴幸栗姬日
怨怒謝長主不許長主欲與王夫人王夫人許之會薄
皇后廢長公主日譖栗姬短景帝嘗屬諸姬子曰吾自
歲後善視之栗姬怒不肯應言不遜景帝心銜之而未
發也長公主日譽王夫人男之美帝亦自賢之又耳曩
者所夢日符計未有所定王夫人又陰使人趣大臣立

栗姬爲皇后大行奏事文曰子以母貴母以子貴今太子母號宜爲皇后帝怒曰是乃所當言邪遂案誅大行而廢太子爲臨江王栗姬愈恚不得見以憂死卒立王夫人爲皇后男爲太子封皇后兄信爲蓋侯初皇后始入太子家後女弟兒姁亦復入生四男兒姁蚤卒四子皆爲王皇后長女爲平陽公主次南宮公主次隆慮公主皇后立九年景帝崩武帝即位爲皇太后尊太后母臧兒爲平原君封田蚡爲武安侯勝爲周陽侯王氏田氏侯者凡三人蓋侯信好酒田蚡勝貪巧於文辭蚡蓋丞相追尊主仲爲共侯槐里起園邑二百家長丞奉守及平原君薨從田氏葬長陵亦置園邑如共侯法初皇太后微時所爲金玉孫生女俗在民間蓋諱之也武帝始立韓嫣白之帝曰何爲不蚤言乃車駕自往迎其家在長陵小市直至其門使左右入求之家人驚恐女逃匿扶將出拜帝下車立曰大姊何藏之深也載至長樂宮與俱謁太后太后垂涕女亦悲泣帝奉酒前爲壽錢千萬奴婢三百人公田百頃甲第以賜姊太后謝曰爲帝費因賜湯沐邑號修成君男女各一人女嫁諸侯男

號修成子仲以太后故橫於京師太后凡立二十五年
後景帝十五歲元朔三年崩合葬陽陵

孝武陳皇后長公主嫖女也曾祖父陳嬰與項羽俱起
後歸漢為堂邑侯傅子至孫午午尚長公主生女初武
帝得立為太子長主有力取主女為妃及帝即位立為
皇后擅寵驕貴十餘年而無子聞衛子夫得幸幾死者
數焉上愈怒后又挾婦人媚道頗覺元光五年上遂窮
治之女子楚服等坐為皇后巫蠱祠祭詛大逆無道
相連及誅者三百餘人楚服梟首於市使有司賜皇后

策曰皇后失序惑於巫祝不可以承天命其上璽綬罷
退居甘泉宮明年堂邑侯午薨主男須嗣侯主寡居私
近董偃十餘年須坐淫亂兄弟爭財當死自殺國
除後數年廢后迺薨葬霸陵郎官亭東

孝武衛皇后字子夫生微也其家號曰衛氏出平陽侯
邑子夫為平陽主謳者武帝即位數年無子平陽主求
良家女十餘人飾置家帝被霸上還過平陽主主見所
侍美人帝不說既飲謳者進帝獨說子夫帝起更衣子
夫侍尚衣軒中得幸還坐歡甚賜平陽主金千斤主因

奏子夫送入宮子夫上車主拊其背曰行矣彊飯勉之
即貴願無相忘入宮歲餘不復幸武帝擇宮人不中用
者斥出之子人得見涕泣請出上憐之復幸遂有身尊
寵召其兄衛長君弟青侍中而子夫生三女元朔元年
生男據遂立爲皇后先是衛長君死乃以青爲將軍擊
匈奴有功封長平侯青三子在襁褓中皆爲列侯及皇
后姊子霍去病亦以軍功爲冠軍侯至大司馬驃騎將
軍青爲大司馬大將軍衛氏支屬侯者五人青還尚平
陽主皇后立七年而男立爲太子後色衰趙之王夫人

中山李夫人有寵皆蚤卒後有尹婕妤鉤弋夫人更
衛后立三十八年遭巫蠱事起江充爲姦太子懼不能
自明遂與皇后共誅充發兵兵敗太子亡走詔遣宗正
劉長樂執金吾劉敢奉策收皇后璽綬自殺黃門蘇文
姚定漢輿置公車令空舍盛以小棺瘞之城南桐柏衛
氏悉滅宣帝立乃改葬衛后追謚曰思后置園邑三百
家長丞周衛奉守焉

孝武尹夫人號婕妤邢夫人號姪娥俱爲武帝所幸有
詔不得相見尹夫人自請於帝曰願見邢夫人帝許之

即令他夫人飾從御者數十人來前尹夫人望見之曰
此非邢夫人身也帝曰何以言之對曰視其形狀不足
以當人主矣於是帝乃使邢夫人衣故衣獨身來前尹
夫人望見之曰此真是矣於是乃低頭俛而泣自痛其
不如也諺曰美女入室惡女之仇褚先生曰浴不必江
海要之去垢馬不必騏驎要之善走士不必賢世要之
知道女不必貴種要之真好傳曰女無美惡入宮見妬
士無賢不肖入朝見嫉美女者惡女之仇豈不然哉
孝武鉤弋夫人趙婕妤昭帝母也河間人武帝巡狩過

河間望氣者言此有竒女天子亟使使召之既至
手皆拳上自披之手即時伸由是得幸號曰拳夫人先
是其父坐法宮刑為中黃門死長安苑雍門拳夫人進
為婕妤居鉤弋宮大有寵本始三年生昭帝號鉤弋子
任身十四月乃生上曰聞昔堯十四月而生今鉤弋亦
然乃命其所生門曰堯母門及衛太子敗而燕王旦廢
後王胥多過失寵姬王夫人男齊懷王李夫人男昌邑
王皆蚤薨鉤弋之子年五六歲壯大多知上常言類
我又感其生與眾異甚竒愛之心欲立焉上居甘泉宮

召畫工圖畫周公負成王於是左右羣臣知武帝欲立少子也後數日上幸甘泉以微過譴責鉤弋婕妤婕妤脫簪珥叩頭帝曰引持去送掖廷獄婕妤還顧帝曰趣行汝不得活婕妤死雲陽宮時暴風揚塵百姓傷感使者夜持棺往葬之封識其處其後帝閑居問左右曰人言云何對曰人言且立其子何去其母乎帝曰然非兒曹愚人所知也往古國家所以亂者由主少母壯也女主獨居驕蹇媼亂自恣莫能禁也汝不聞呂后邪故諸為武帝生子者無男女其母無不譴死未幾帝疾病乃立鉤弋子為皇太子拜奉車都尉霍光為大司馬大將車輔少主以所畫周公負成王像賜之既而帝崩昭帝即位追尊鉤弋婕妤為皇太后發卒二萬人起雲陵邑三千戶追尊外祖趙父為順成侯詔右扶風置園邑二百家長丞奉守如法順成侯有姊君姁賜錢二百萬奴婢第宅以充實焉諸昆弟各以親疏受賞賜趙氏無在位者唯趙父得封

孝武李夫人本以倡進初夫人兄延年性知音律善歌舞武帝愛之每為新聲變曲聞者莫不感動延年侍上

起舞歌曰北方有佳人絕世而獨立一顧傾人城再顧
傾人國寧不知傾城與傾國佳人難再得上歎息曰善
世豈有此人乎平陽主因言延年有女弟上乃召見之
實妙麗善舞由是得幸生一男是爲昌邑哀王李夫人
少而蚤卒上憐憫焉圖畫其形於甘泉宮及衛思后廢
後四年武帝崩大將軍霍光緣上雅意以李夫人配食
追上尊號曰孝武皇后初李夫人病篤上自臨候之夫
人蒙被謝曰妾久寢病形貌毀壞不可以見帝願以王
及兄弟爲託上曰夫人病甚殆將不起一見我屬託王

及兄弟豈不快哉夫人曰婦人貌不修飾不見君妾
不敢以燕媵見帝上曰夫人但一見我將加賜千金而
與兄弟尊官夫人曰尊官在帝不在一見上復言欲必
見之夫人遂轉鄉欷歔而不復言於是上不悅而起夫
人姊妹皆讓之曰貴人獨不可一見上屬託兄弟邪何
爲恨上如此夫人曰所以不欲見帝者乃欲以深託兄
弟也我以容貌之好得從微賤愛幸於上夫以色事人
者色衰則愛弛愛弛則恩絕上所以孿孿顧念我者

孿力

全反又

乃以平生容貌也今見我毀壞顏色非故必且

讀作戀

通志前漢紀一
畏惡吐弃我意尚肯復追思閔錄其兄弟哉及夫人卒
上以后禮葬之其後上以夫人兄廣利為貳師將軍封
海西侯延年為協律郎都尉上思念夫人不已有方士
齊人李少翁言能致其神乃夜張燈燭設帷帳陳酒肉
而令上居他帳遙望見好女如李夫人之貌還幄坐而
步又不得就視上愈益相思悲感為作詩曰是邪非邪
立而望之偏何姍姍其來遲姍先安反令樂府諸音家絃歌
之上又自作賦以悼之其後李延年弟季坐姦亂後宮
廣利降匈奴家族滅矣

孝昭上官皇后祖父桀隴西上邽人也少時為羽林期
門郎從武帝上甘泉天大風車不得行解蓋授桀桀奉
蓋雖風常屬車兩下蓋輒御上竒其材力遷未央廐令
上嘗體不安及愈見馬馬多瘦上大怒令曰以我不復
見馬邪欲下吏桀頓首曰臣聞聖體不安日夜憂懼意
誠不在馬言未卒泣數行下上以為忠由是親近為侍
中稍遷至太僕武帝疾病以霍光為大將軍桀為左將
軍皆受遺詔輔少主昭帝始立年八歲帝長姊鄂邑蓋
公主居禁中共養帝蓋主私近子客河間丁外人上與

通志前漢皇后傳一
大將軍聞之不絕主驩有詔外人侍長主長主內周陽
氏女令配耦帝時上官安有女即霍光外孫安欲因光
內之光以為尚幼不聽安素與丁外人善說外人曰聞
長主內女安子容貌端正誠因長主得入為皇后以臣
父子在朝而有椒房之重威之在於足下漢家故事常
以列侯尚主足下何憂不封侯乎外人喜言於長主長
主以為然詔召安女入為婕妤安為騎都尉月餘遂立
為皇后年甫六歲安以后父封桑樂侯遷車騎將軍日
以驕淫受賜殿中出對賓客言與我壻飲大樂見其服

飾使人歸自欲燒物安醉則裸行內與後母及父諸良

人侍御皆亂其子病死仰而罵天數守

守謂求請也

大將軍

光為丁外人求侯及桀欲妄官祿外人光執正皆不聽

又桀妻父所幸充國為太醫監闌入殿中下獄當死冬

月且盡蓋主為充國入馬二十疋贖罪迺得減死論由

是桀安父子深怨光而重德蓋主知燕王旦帝兄不得

立怨望桀安即記光過失予燕王令上書告之又為丁

外人求侯燕王大喜上書稱子路喪姊暮而不除孔子

非之子路曰由不幸寡兄弟不忍除之故曰觀過知仁

今臣與陛下獨有長公主為姊陛下幸使丁外人侍之
外人宜蒙爵號書奏上以問光光執不許又告光罪過
上又疑之愈親光而疏桀安桀安寢恚遂結黨與謀殺
光誘徵燕王至而誅之因廢帝而立桀或曰當如皇后
何安曰逐麋之狗當顧菟邪且用皇后為尊一旦人主
意有所移雖欲為家人亦不可得此百世之一時也事
發覺燕王蓋主皆自殺桀安宗族皆滅皇后以年少不
與謀復光外孫故得不廢皇后母前死葬茂陵郭東追
尊曰敬夫人置園邑二百家長丞奉守如法皇后自使
私奴婢守桀安冢光欲皇后擅寵有子帝時體不安左
右及醫皆阿意言宜禁內雖宮人使令皆為窮絻多其
帶故後宮莫有進者皇后立十歲而昭帝崩后年十四
五云昌邑王賀徵即位尊為皇太后光與皇太后共廢
王賀立孝宣帝宣帝即位為太皇太后凡立四十七年
年五十二建昭二年崩合葬平陵

衛太子史良娣宣帝祖母也太子有妃有良娣有孺子
妻妾凡三等子皆稱皇孫史良娣家本魯國有母貞君
兄恭以元鼎四年入為良娣生男進號史皇孫武帝末

巫蠱事起衛太子及良娣史皇孫皆遭害史皇孫有一男號皇曾孫時生數月猶坐太子繫獄積五歲乃遭赦治獄使者邴吉憐皇曾孫無所歸載以付史恭恭母貞君年老見孫孤甚哀之自養視焉後曾孫收養掖庭遂登至尊位是爲宣帝而貞君及恭已死恭三子皆以舊恩封長子高爲樂陵侯曾爲將陵侯玄爲平臺侯及高子丹以功德封武陽侯史氏侯者凡四人高至大司馬車騎將軍丹大將軍自有傳

史皇孫王夫人宣帝母也名翁須太始中得幸於史皇孫皇孫妻妾無號位皆稱家人子征和三年生宣帝帝生數月衛太子皇孫敗家人子皆坐誅莫有收葬者唯宣帝得全宣帝即位追尊母王夫人謚曰悼后祖母史良娣曰戾后皆改葬起園陵長丞奉守地節三年求得外祖母王媪媪男無故無故弟武皆隨使者詣闕時乘黃牛車故百姓謂之黃牛媪初上即位數遣使者求外家久遠多似類而非是旣得王媪令太中大夫任宣與丞相御史屬雜考問鄉里知識者皆曰王媪媪言各妄人家本涿郡蠡吾平鄉年十四嫁爲同鄉王更得妻更

得死嫁爲廣望王廼始婦產子男無故武女翁須翁須年八九歲時寄居廣望節侯子劉仲卿宅仲卿謂廼始曰予我翁須自養長之媪爲翁須作縑單衣送仲卿家仲卿教翁須歌舞往來歸取冬夏衣居四五歲翁須來言邯鄲賈長兒求歌舞者仲卿欲以我予之媪即與翁須逃走之平鄉仲卿載廼始共求媪媪惶急將翁須歸曰兒居君家非受一錢也柰何欲予他人仲卿詐曰不也後數日翁須乘長兒車馬過門呼曰我果見行當之柳宿媪與廼始之柳宿見翁須相對涕泣謂曰欲爲女

自言翁須曰母置之何家不可以居自言無益也媪與廼始還求錢用隨逐至中山廬奴見翁須與歌舞等比五人同處媪與翁須共宿明日廼始留視翁須媪還求錢欲隨至邯鄲媪糶買未具廼始來歸曰翁須已去我無錢用隨也因絕至今不聞其問賈長兒妻貞及從者師遂辭往二十歲太子舍人侯明起從長安來求歌舞者請翁須等五人長兒使遂送至長安皆入太子家及廣望二老更始劉仲卿妻其等四十五人辭皆驗宣奏王媪悼后母明白上皆召見賜無故武爵關內侯旬月

通志前漢列傳一 十三
間賞賜以鉅萬計頃之制詔御史賜外祖母號為博平
君以博平蠡吾兩縣戶萬一千為湯沐邑封舅無故為
平昌侯武為樂昌侯食邑各六千戶初迺始以本始四
年病死後二歲家迺富貴追賜謚曰思成侯詔涿郡治
冢室置園邑四百家長丞奉守如法歲餘博平君薨謚
曰昭成夫人詔徙思成侯合葬奉明顧成廟南置園邑
長丞罷涿郡思成園王氏侯者一人無故子接為大司
馬車騎將軍而武子商至丞相自有傳

孝宣許皇后元帝母也父廣漢昌邑人少時為昌邑王

郎從武帝上甘泉誤取他郎鞍以被其馬發覺吏劾從

行而盜當死有詔募下蠶室

若死罪囚欲就宮者聽之

後為宦者丞

上官桀謀反時廣漢部索其殿中廬有索長數尺可以

縛人者數千枚滿一篋緘封廣漢索不得他吏往得之

廣漢坐論為鬼薪輸掖庭後為暴室巫媼夫時宣帝養於

掖庭號皇曾孫與廣漢同寺居時掖庭令張賀本衛太

子家吏及太子敗賀坐下刑以舊恩養視皇曾孫甚厚

及曾孫壯大賀欲以女妻之是時昭帝始冠長八尺二

寸賀弟安世為右將軍與霍將軍同心輔政聞賀稱譽

成君即得為皇后矣如蒙力事成富貴與少夫共之衍
曰藥雜治當先嘗安可顯曰在少夫為之耳將軍領天
下誰敢言者緩急相護但恐少夫無意耳衍良久曰願
盡力即擣附子齎入長定宮皇后免身後衍取附子并
合大醫大丸以飲皇后有頃曰我頭岑岑也藥得無有
毒對曰無有遂加煩懣崩衍出過見顯相勞問亦未敢
重謝衍後有人上書告諸醫侍疾無狀者皆收繫詔獄
劾不道顯恐事急即以狀具語光因曰既失計為之無
令吏急衍光驚愕默然不應其後奏上署衍勿論許后

立三年而崩謚曰恭哀皇后葬杜南是為杜陵南園後
五年立皇太子迺封太子外祖父昌成君廣漢為平恩
侯位特進後四年復封廣漢兩弟舜為博望侯延壽為
樂成侯許氏侯者凡三人廣漢薨謚曰戴侯無子絕葬
南園旁置邑三百家長丞奉守如法宣帝以延壽為大
司馬車騎將軍輔政元帝即位復封延壽中子嘉為平
恩侯亦為大司馬車騎將軍奉戴侯後

孝宣霍皇后大司馬大將軍博陸侯光女也母顯既使
溥于衍陰殺許后顯因為成君衣被治入宮具勸光內

皇曾孫欲妻以女安世怒曰曾孫乃衛太子後也幸得
以庶人衣食縣官足矣勿復言子女事賀迺止時許廣
漢有女平君年十四五當為內者令歐侯氏子婦臨當
入歐侯氏子死其母將行卜相言當大貴母獨喜賀聞
許畱夫有女迺置酒請之酒酣為言曾孫體近下人乃
關內侯可妻也廣漢許諾明日嫗聞之怒廣漢重令為
介遂與曾孫一歲生元帝數月曾孫立為帝平君為倖
仔是時霍將軍有小女與皇太后有親公卿議更立皇
后皆心儀霍將軍女亦未有言上乃詔求微時故劔大

臣知指白立許倖仔為皇后既立霍光以后父廣漢刑
人不宜君國歲餘乃封為昌成君霍光夫人顯欲貴其
小女道無從明年許皇后當娠病女醫淳于衍者霍氏
所愛嘗入宮侍皇后疾衍夫賞為掖庭戶衛謂衍可過
辭霍夫人行為我求安池監衍如言報顯顯因生心辟
左右字謂衍稱衍字少夫幸報我以事我亦欲報少夫
可乎衍曰夫人所言何等不可者顯曰大將軍素愛小
女成君欲竒貴之願以累少夫衍曰何謂邪顯曰婦人
免乳大故十死一生今皇后當免身可因投毒藥去也

之果立爲皇后初許后起微賤登至尊日淺從官車服甚節儉五日一朝皇太后於長樂宮親奉案上食以婦道共養及霍后立亦修許后故事而皇太后親霍后之婦子故常竦體敬而禮之皇后輿駕侍從甚盛賞賜官屬以千萬計與許后時縣絕矣上亦寵之顓房燕立三歲而光薨後一歲上立許后男爲太子昌成君者爲平恩侯顯怒恚不食歐血曰此乃民間時子安得立即后有子反爲王邪復教皇后令毒太子皇后數召太子賜食阿保輒先嘗之后挾毒不得行旣而殺許后事頗泄顯遂與諸壻昆弟謀反發覺皆誅滅使有司揚皇后策廢處昭臺宮霍后立五年廢後十二年徙雲台宮自殺葬昆吾亭東初霍光及兄驃騎將軍去病皆自以功伐封侯居位宣帝以光故封去病孫山山弟雲皆爲列侯侯者前後四人

孝宣王皇后其先高祖時有功賜爵關內侯自沛徙長陵傳爵至石父奉光奉光少時好鬪雞宣帝在民間數與奉光會相識奉光有女年十餘歲每當適人所當適輒死故父不行及宣帝即位召入後宮稍進爲婕妤是

時館陶主母華婕妤及淮陽憲王母張婕妤楚孝王母衛婕妤皆愛幸霍皇后廢後上憐許太子早失母幾為霍氏所害於是乃選後宮素謹慎而無子者遂立王婕妤為皇后令母養太子自為后後希見無寵封父奉光后兄舜為安平侯後二年奉光薨謚曰共侯葬長門南置園邑二百家長丞奉守如法元帝崩成帝即位為太皇太后復爵太皇太后弟駿為關內侯食邑千戶王氏列侯二人關內侯一人舜子章章從弟咸皆至左右將軍時成帝母亦姓王氏故世號太皇太后為邛成太后邛成太后凡立四十九年年七十餘永始元年崩合葬杜陵稱東園奉光孫勲坐法免元始中成帝太后詔封共侯曾孫堅固為邛成侯至王莽乃絕

孝元王皇后王莽之姑也莽自謂黃帝之後其自本曰黃帝姓姚氏八世生虞舜舜起媯汭以媯為姓至周武王封舜後媯滿於陳是為胡公十三世生完完字敬仲奔齊齊桓公以為卿姓田氏十一世田和有齊國二世稱王至王建為秦所滅項羽起封建孫安為濟北王至

漢興安失國齊人謂之王家因以為氏文景間安孫遂
字伯紀處東平陵生賀字翁孺為武帝繡衣御史逐捕
魏郡群盜堅盧等黨與及吏畏懦逗遛當坐者翁孺皆
縱不誅他部御史暴勝之等奏殺二千石誅千石以下
及通行飲食坐連及者大部至斬萬餘人翁孺以奉使
不稱免歎曰吾聞活千人有封子孫吾所活者萬餘人
後世其興乎翁孺既免而與東平陵終氏為怨迺徙魏
郡元城委粟里為三老魏郡人德之元城建公曰昔春
秋沙鹿崩晉史卜之曰陰為陽雄土火相乘故有沙鹿

崩後六百四十五年宜有聖女興其齊田乎今王翁孺
徙正直其地日月當之元城郭東有五鹿之虛即沙鹿
也後八十年當有貴女興天下云翁孺生禁字稚君少
學法律長安為廷尉史本始三年生女政君即元后也
禁有大志不修廉隅好酒色多取傍妻凡有四女八男
長女君俠次即元后政君次君力次君弟長男鳳孝卿
次曼元卿次譚子元崇少子商子夏立子叔根稚卿逢
時季卿唯鳳崇與元后政君同母母適妻魏郡李氏女
也後以妬去更嫁為河內苟賓妻初李親任政君在身

夢月入其懷及壯大婉順得婦人道嘗許嫁未行所許者死後東平王聘政君為姬未入王又薨禁獨怪之使卜數者相政君當大貴不可言禁心以為然乃教書學鼓琴五鳳中獻政君年十八矣入掖庭為家人子歲餘會皇太子所愛幸司馬良娣病且死謂太子曰妾死非天命乃諸娣妾良人更祝詛殺我太子憐之且以為然及司馬良娣死太子悲恚發病忽忽不樂因以過怒諸娣妾莫得進見者久之宣帝聞太子恨過諸娣妾欲順適其意迺令皇后擇後宮家人子可以虞侍太子者五

人政君與在其中及太子朝皇后迺見政君等五人徵令旁長御問知太子所欲太子殊無意於五人者不得已於皇后彊應曰此中一人可是時政君坐近太子又獨衣絳緣諸于長御即以為是皇后使侍中杜輔掖庭令濁賢交送政君太子宫見丙殿得御幸有身先是者太子後宮娣妾以十數御幸久者七八年莫有子及王妃壹幸而有身甘露三年生成帝於甲館畫堂為世適皇孫宣帝愛之自名曰鷲字太孫常置左右後三年宣帝崩太子即位是為孝元皇帝立太孫為皇太子以母

王妃爲婕妤封父禁爲陽平侯後三日婕妤立爲皇后
禁位特進禁弟弘至長樂衛尉永光二年禁薨謚曰頃
侯長子鳳嗣侯爲衛尉侍中皇后自有子後希復進見
太子壯大寬博恭慎其後幸酒樂燕樂元帝不以爲能
而傳昭儀有寵於上生定陶共王王多材藝上甚愛之
常有意欲廢太子而立共王時鳳在位與皇后太子同
心憂懼賴侍中史丹擁右太子語在丹傳上亦以皇后
素謹慎而太子先帝所常留意故得不廢元帝崩太子
立是爲孝成帝尊皇后爲皇太后以鳳爲大司馬大將

軍領尚書事益封五千戶王氏之興自鳳始也又封太
后同母弟崇爲安成侯食邑萬戶鳳庶弟譚等皆賜爵
關內侯食邑其夏黃霧四塞終日天子以問諫大夫楊
興博士駟勝等對皆以爲陰盛侵陽之氣也高祖之約
也非功臣不侯今太后諸弟皆以無功爲侯非高祖之
約外戚未曾有也故天爲見異言事者多以爲然鳳懼
上書乞骸骨辭職上詔報勉令就位後五年諸吏散騎
安成侯崇薨謚曰共侯有遺腹子奉世嗣侯太后哀之
明年河平二年上悉封舅譚爲平阿侯商成都侯立紅

通志前漢文傳一 二十一
陽侯根曲陽侯逢時高平侯五侯同日封故世謂之五
侯太后同產唯曼蚤卒餘畢侯矣太后母李親苟氏妻
生一男名參寡居頃侯禁在時太后令禁還李親太后
憐參欲以田蚡為比而封之上曰封田氏非正也以參
為侍中水衡都尉王氏子弟皆卿大夫侍中諸曹分據
執官滿朝廷大將軍鳳用事上遂謙遜無所顯左右常
薦光祿大夫劉向少子歆通達有異材上召見歆誦讀
詩賦甚說之欲以為中常侍召取衣冠臨當拜左右皆
曰未曉大將軍上曰此小事何須關大將軍左右叩頭

爭之上於是語鳳鳳以為不可廼止其見憚如此上即
位數年無繼嗣體常不平定陶共王來朝太后與上承
先帝意遇之甚厚賞賜十倍於他王不以往事為纖介
共王之來朝也天子留不遣歸國上謂共王我未有子
人命不諱一朝有他且不復相見爾長留侍我矣其後
天子疾益有瘳共王於是留國邸旦夕侍上上甚見親
重大將軍鳳心不便共王在京師會日蝕鳳因言日蝕
陰盛之象為非常異定陶王雖親於禮當奉藩在國今
留侍京師詭正非常故天見戒宜遣歸國上不得已於

鳳而許之共王辭去上與相對涕泣而訣京兆尹王章
素剛直敢言以爲鳳建遣共王之國非是乃奏封事言
災異之發爲大臣顓政者也今聞大將軍猥歸日蝕之
咎於定陶王建遣之國苟欲使天子孤立於上顓擅朝
權以便其私非忠臣也且日食陰侵陽臣顓君之咎今
政事無大小皆自鳳出天子曾不壹舉手鳳不內省自
責反歸咎善人推遠定陶王且鳳誣罔不忠非一事也
前丞相樂昌侯王商本以先帝外屬內行篤有威重位
歷將相國家柱石臣也其人守正不肯詘節隨鳳委曲

卒用閨門之事爲鳳所罷身以憂死衆庶愍之又鳳知
其小婦弟張美人已嘗適人於禮不宜配至尊託以爲
宜子內之後宮苟以私其妻弟聞張美人未嘗任身就
館也且羌胡尚殺首子以盪腸正世況於天子而近己
出之女也此三者皆大事陛下所自見足以知其餘及
他所不見者鳳不可久典事宜退使就第選忠賢以代
之自鳳之白罷商後遣定陶王也上不能平及聞章言
天子感悟納之謂章曰微京兆直言吾不聞社稷計且
惟賢知賢君試爲朕求可以自輔者於是章奏封事薦

中山孝王舅琅邪太守馮野王忠信質直知謀有餘宜筦
朝政上自為太子時數聞野王先帝名卿聲譽出鳳遠甚
方欲倚以代鳳初章每召見上輒辟左右時鳳從弟長樂
衛尉弘子侍中音獨側聽具知章言以語鳳鳳聞之稱病
出就第上疏乞骸骨辭旨甚哀太后為之垂涕不御食上
少而親鳳弗忍廢廼報鳳令起視事上使尚書劾奏章知
野王前以王舅出補吏而私薦之欲令在朝阿附諸侯又
知張美人體御至尊而妄稱引羌胡殺子盪腸非所宜言
遂下章吏廷尉致其大逆罪以為比上夷狄欲絕繼嗣之

端背畔天子私為定陶王章死獄中妻子徙合浦自是
公卿見鳳側目而視郡國守相刺史皆出其門又以待
中太僕音為御史大夫列於三公而五侯群弟爭為奢
侈賂遺珍寶四面而至後庭姬妾各數十人僮奴以千
百數羅鍾磬舞鄭女作倡優狗馬馳逐大治第室起土
山漸臺洞門高廊閣道連屬彌望百姓歌之曰五侯初
起曲陽最怒壞決高都連竟外杜土山漸臺西象白虎
其奢僭如此然皆通敏人事好士養賢傾財施予以相
高尚鳳輔政凡十一年陽朔三年秋鳳病天子數自臨

問親執其手涕泣曰將軍病如有不可言平阿侯譚次
 將軍矣鳳頓首泣曰譚等雖與臣至親行皆奢僭無以
 率導百姓不如御史大夫音謹勅臣敢以死保之及鳳
 且死上疏謝上復固薦音自代言譚等五人必不可用
 天子然之初譚倨不肯事鳳而音敬鳳卑恭如子故薦
 之鳳薨天子臨弔贈寵送以輕車介士軍陳自長安至
 渭陵謚曰敬成侯子襄嗣侯為衛尉御史大夫音竟代
 鳳為大司馬車騎將軍而平阿侯譚位特進領城門兵
 谷永說譚令讓不受城門職由是與音不平語在永傳

音既以從舅越親用事小心親職歲餘詔封音為安陽
 侯食邑與五侯等俱三千戶初成都侯商嘗病欲避暑
 從上借明光宮後又穿長安城引內澧水注第中大陂
 以行船立羽蓋張周帷輯濯越歌上幸商第見穿城引
 水意恨內銜之未言後微行出過曲陽侯第又見園中
 土山漸臺似類白虎殿於是上怒以讓車騎將軍音商
 根兄弟欲自黥劓謝太后上聞之大怒廼使尚書責問
 司隸校尉京兆尹知成都侯商擅穿帝城決引澧水曲
 陽侯根驕奢僭上赤墀青鎖紅陽侯立父子臧匿犴狴

亡命賓客為群盜司隸京兆皆阿縱不舉奏正法二人
頓首省戶下又賜車騎將軍音策書曰外家何甘樂禍
敗而欲自黥劓相戮辱於太后前傷慈母之心以危亂
國外家宗族疆上一身寢弱日久今將一施之君其召
諸侯令待府舍是日詔尚書奏文帝時誅將軍薄昭故
車車騎將軍音藉藁請罪商立根皆負斧質謝上不忍誅
然後得已久之平阿侯譚薨謚曰安侯子仁嗣侯太后
憐弟曼早死獨不得封寡婦渠供養東宮曼子莽幼孤
不及等比常以為語平阿侯譚成都侯商及在位多稱

莽者久之上復下詔追封曼為新都哀侯而子莽嗣爵
為新都侯後又封太后姊子淳于長為定陵侯王氏親
屬侯者十人上悔廢平阿侯譚不輔政而薨也廼復進
成都侯商以特進領城門兵置幕府得舉步如將軍王
氏爵位日盛唯音為修整數諫正有忠節輔政八年薨
平贈如大將軍謚曰敬侯子舜嗣侯為太僕侍中特進
成都侯商代音為大司馬衛將軍而紅陽侯立位特進
領城門兵商輔政四歲病乞骸骨天子聞之更以為大
將軍益封二千戶商薨弔贈如大將軍故事謚曰景成

侯子況嗣侯紅陽侯立次當輔政有罪過上乃廢立而用光祿勳曲陽侯根爲大司馬驃騎將軍歲餘益封千七百戶高平侯逢時無材能名稱是歲薨謚曰戴侯子買之嗣侯綏和元年上即位二十餘年無繼嗣而定陶共王已薨子嗣立爲王王祖母傳太后重賂遺根爲王求漢嗣根爲言上亦欲立之遂徵定陶王爲太子時根輔政五歲矣乞骸骨上廼益封根五千戶賜安車駟馬黃金五百斤罷就第先是定陵侯淳于長以外屬能謀議爲衛尉侍中在輔政之次是歲新都侯莽告長伏罪與紅陽侯立相連長下獄死立就國語在長傳故曲陽侯根薦莽以自代亦以爲莽有忠直節上遂擢莽從侍中騎都尉光祿大夫爲大司馬歲餘成帝崩哀帝即位太后詔莽就第避帝外家哀帝初優莽不聽莽上書固乞骸骨而退上廼下詔益封根二千戶舜五百戶莽三百五十戶以莽爲特進朝朝望又還紅陽侯立京師哀帝少而聞知王氏驕盛心不能喜以初立故優之後月餘司隸校尉解光奏曲陽侯根宗重身尊三世據權五將秉政天下輻湊自效根行貪邪臧累鉅萬縱橫恣意

三百七十八
大治室第第中起土山立兩市殿上赤墀戶青瑣游觀
射獵使奴從者被甲持弓弩陳爲步兵止宿離宮水衡
共張發民治道百姓苦之推親近吏主簿張業以爲尚
書蔽上壅下壞亂制度先帝棄天下根不悲哀思慕山
陵未成公聘取故掖庭女樂五官殷嚴王飛君等置酒
歌舞捐忘先帝厚恩及根兄子成都侯况亦聘故掖庭
貴人爲妻昏無人臣禮大不敬不道於是天子遣根就
國免况爲庶人歸故郡根及况父商所薦舉爲官者皆
罷後二歲傳太后帝母丁姬皆稱尊號有司奏新都侯

莽前爲大司馬貶抑尊號之儀虧損孝道及平阿侯仁
臧匿趙昭儀親屬皆就國天下多寃王氏諫大夫楊宣
上書言太皇太后春秋七十數更憂傷勅令親屬引領
以避丁傳甚非先帝託陛下奉承東宮之意帝感其言
復封商中子邑爲成都侯元壽元年日蝕賢良對策多
訟新都侯莽者上於是徵莽及平阿侯仁還京師侍太
后曲陽侯根薨國除明年哀帝崩無子太皇太后以莽
爲大司馬與共徵立中山王奉哀帝後是爲平帝平帝
元歲常年被疾太后臨朝委政於莽莽顓威福紅陽侯

通志前漢后妃傳一
立莽諸父平阿侯仁素剛直莽內憚之令大臣以罪過
奏遣立仁就國莽日誑耀太后言輔政致太平群臣奏
請尊莽為安漢公後遂遣使者迫守立仁令自殺賜立
謚曰荒侯子柱嗣仁謚曰刺侯子術嗣是歲元始三年
也明年莽風群臣奏立莽女為皇后又奏尊莽為宰衡
莽既外壹群臣令稱已功德又內媚事旁側長御以下
賂遺以千萬數白尊太后姊妹君俠為廣恩君君力為
廣惠君君弟為廣施君皆食湯沐邑日夜共譽莽莽又
知太后婦人厭居深宮中莽欲虞樂以市其權乃令太

后四時車駕巡狩四郊存見孤寡貞婦春幸蘭館率皇
后列侯夫人桑遵霸水而被除夏遊御宿鄠杜之間秋

歷東館望昆明集黃山宮之饗飲飛羽殿名校獵上蘭登

長平館臨涇水而覽焉籀宿苑在長安城南黃山宮在
槐里飛羽殿在未央宮上蘭觀

名在上林中太后所至屬縣輒施恩惠賜民錢帛牛酒歲以

為常太后從容言曰我始入太子家時見於丙殿至今

五六十歲尚頗識之莽遂導太子宫甚說太后

旁弄兒病在外舍莽自親候之其欲得太后意如此平

帝崩無子莽徵宣帝玄孫選最少者廣戚侯子劉嬰年

二歲託以卜相為最吉乃風公卿奏請立嬰為孺子令
 宰衡安漢公莽踐阼居攝如周公傳成王故事太后不
 以為可力不能禁於是莽遂為攝皇帝改元稱制焉俄
 而宗室安眾侯劉崇及東郡太守翟義等惡之更舉兵
 欲誅莽太后聞之曰人心不相遠也我雖婦人亦知莽
 必以是自危不可其後莽遂以符命自立為真皇帝先
 奉諸符瑞以白太后太后大驚初漢高祖入咸陽至霸
 上秦王子嬰降於軹道奉上始皇璽及高祖誅項籍即
 天子位因御服其璽世世傳受號曰漢傳國璽以孺子

未立璽臧長樂宮及莽即位請璽太后不肯授莽莽使
 安陽侯舜諭指舜素謹勅太后雅愛信之舜既見太后
 知其為莽求璽怒罵之曰而屬父子宗族蒙漢家力富
 貴累世既無以報受人孤寄乘便利時奪取其國不復
 顧恩義人如此者狗猪不食其餘天下豈有而兄弟邪
 且若自以金匱符命為新皇帝變更正朔服制亦當自
 更作璽傳之萬世何以用此亡國不祥璽為而欲求之
 我漢家老寡婦旦暮且死欲與此璽俱葬終不可得太
 后因涕泣而言旁側長御以下皆垂涕舜亦悲不能自

止良久乃仰謂太后臣等已無可言者莽必欲得傳國璽太后寧能終不與邪太后聞舜語切恐莽欲脅之廼出漢傳國璽投之地以授舜曰我老已死如而兄弟今族滅也舜既得傳國璽奏之莽大說廼爲太后置酒未央宮漸臺大縱衆樂莽又欲改太后漢家舊號恐不見聽而莽踈屬王諫欲諂莽上書言太皇太后不宜稱尊號當隨漢廢於是莽親以其書白太后太后曰此言是也莽因曰此諄德之臣也罪當誅時冠軍張永遂獻符命銅璧有新室文母太皇太后之文廼上言太皇太后宜更命爲新室文母太皇太后莽遂下詔以璧文視群公親率王侯卿士奉上皇太后璽綬太后聽許莽於是鳩殺王諫而封張永爲貢符子初莽諂太后奏尊元帝廟爲高宗太后晏駕後當以禮配食及是改號故絕之於漢不令得體元帝墮壞孝元廟更爲文母太后起廟獨置孝元廟故殿以爲文母菴食堂旣成名曰長壽宮以太后在故未謂之廟莽以太后好出游觀廼車駕置酒長壽宮請太后旣至見孝元廟廢撤塗地太后驚泣曰此漢家宗廟皆有神靈與何治而壞之且使鬼神無

知又何用廟為如今有知我迺人之妃妾豈宜辱帝之
堂以陳饋食哉私謂左右曰此人嫚神多矣能得久祐
乎飲酒不樂而罷自莽篡位後知太后怨恨求所以媚
太后者無所不為然愈不說莽更漢家黑貂著黃貂又
改漢正朔伏臘日太后令其官屬黑貂至漢家正臘日
獨與其左右相對飲酒食太后年八十四建國五年二
月癸丑崩合葬渭陵莽詔大夫楊雄作誄曰太陰之精
沙鹿之靈作合於漢配元生成著其協於元城沙鹿太
陰精者謂夢月也王氏當成帝之世十侯五大司馬外

戚之盛自漢以來莫及焉太后崩後十年為地皇三年
漢兵起明年三輔豪桀誅莽初紅陽侯立就國南陽與
諸劉結恩立少子丹為中山太守世祖初起時丹降為
將軍戰死世祖聞之封丹子泓為武桓侯傳爵于後司
徒掾班彪曰自三代以來春秋所記王公國君與其失

世稀不以女寵漢興后妃之家

上官幾危國者數

矣及王莽之興由孝元后歷漢四世為天下母饗國六
十餘載羣弟世權更持國柄五將十侯卒成新都位號
已移於天下而元后卷卷猶握一璽不欲以授莽婦人

之仁慈夫

孝成許皇后大司馬車騎將軍平恩侯嘉女也元帝悼傷母恭哀皇后居位日淺而漕霍氏之禍故選嘉女以配皇太子初入太子家上令中常侍黃門親迎者侍送還白太子懽悅狀元帝喜謂左右酌酒賀我左右皆稱萬歲久之有一男失之及成帝即位立許妃為皇后復生一女又失之初后父嘉自二帝時為大司馬車騎將軍輔政已八九年矣及成帝一復以元舅陽平侯王鳳為大司馬大將軍與嘉並杜欽以為故事后父重於帝

舅乃說鳳曰車騎將軍至貴將軍宜尊之敬之無失其意蓋輕細微眇之漸必生乖忤之患不可不慎衛將軍之日盛於蓋侯近世之事語在長老耳中唯將軍察焉久之上欲專委任鳳廼策嘉曰將軍家重身尊不宜以吏職自繫賜黃金二百斤以持進侯就朝位後歲餘薨謚曰恭侯后聰慧善史書自為妃至即位常寵於上後宮希得進見皇太后及帝諸舅憂上無繼嗣時又數有災異劉向谷永皆陳其咎在於後宮上然其言於是省減椒房掖庭用度皇后素驕貴意不能平乃上䟽言頃

有大長秋受詔椒房儀法御服輿駕所發宮署及所造
作遺賜外家群臣妾皆如竟寧以前故事竟寧元帝時也妾自

念入椒房以來凡車輿服御及遺賜外家未嘗有所踰

越每輒決上可覆問也自餘宮中小有發取於誼未害

而家吏動相約制繩以詔書使妾不得拙手奈何妾薄

命端遇竟寧前書奏上於是採劉向谷永所言以報大

要誠其謙約焉而后終以為恨是時大將軍鳳用事威

權尤盛其後比三年日蝕言事者頗歸咎於鳳矣而谷

永等遂著之許氏許氏自知為鳳所不佑久之皇后寵

亦益衰而後宮多新愛后姊平安剛侯夫人謁等為媚

道祝諛後宮有身者王美人及鳳等事發覺太后大怒

下吏考問謁等誅死后坐廢處昭臺宮親屬皆歸故郡

山陽右弟子平恩侯且就國后立十四年而廢在昭臺

歲餘還徙長定宮後九年上憐許氏詔還平恩侯且及

親屬在山陽郡者是歲廢后敗先是廢后姊嬖寡居與

定陵侯淳于長私通因為之小妻長給之曰我能白東

宮復立許皇后為左皇后廢后因嬖私賂遺長數通書

記相報謝長書有諱謾發覺天子使廷尉孔光持節賜

三百六十九
廢后藥自殺葬延陵交道廐西

孝成班婕妤帝初即位選入後宮始為少使蛾而大幸為婕妤居增成舍再就館有男數月失之成帝游於後庭嘗欲與婕妤同輦婕妤辭曰觀古圖書聖賢之君皆有名臣在側三代末主乃有嬖女今欲同輦得無近似之乎上善其言而止太后聞之喜曰古有樊姬今有班婕妤行婕妤誦詩及窈窕德象女師之篇每進見上疏依則古禮自鴻嘉後上稍降於內寵婕妤進侍者李平平得幸立為婕妤上曰始衛皇后亦從微起乃賜平姓曰

衛所謂衛婕妤也其後趙飛燕

如弟亦從自微賤興踰

越禮制浸盛於前班婕妤及許

王后皆失寵稀復進見

鴻嘉三年趙飛燕譖告許皇后

婕妤挾媚道祝詛後

宮詈及主上許后坐廢考問班

婕妤對曰妾聞死

生有命富貴在天修正尚未蒙

為邪欲以何望假使

鬼神有知不受不臣之愬如其

知愬之何益故不為

也上善其對而閔之賜黃金百

趙氏姊弟驕妬婕妤

恐久見危遂求共養太后於長

官上許焉婕妤退處

東宮年賦以自傷悼其辭曰承和考之遺德兮何性命

之淑靈登薄軀於宮闕兮充下陳於後庭蒙聖旨之渥
惠兮當日月之盛明揚光烈之翕赫兮奉隆寵於增成
既過幸於非位兮竊庶幾乎嘉時每寤寐而繫息兮申
佩離以自思陳女圖以鏡監兮顧文吏而問詩悲晨婦
之作戒兮良襲閭之爲郵美皇英之女虞兮榮任姒之
母周雖愚陋其靡及兮敢舍心而忘茲歷年歲而悼懼
兮閔蕃華之不滋痛陽祿與拓館兮仍襁褓而離災豈
妾人之殃咎兮將天命之不可求白口忽已移光兮遂
晡莫而昧幽猶被覆載之厚德兮丕殿指於罪郵奉共

養于東宮兮託長信之末流共洒埽於帷幄兮永終死
以爲期願歸骨於山足兮依松栢之餘休重曰潛玄宮
兮幽以清應門閉兮禁闥宿華殿塵兮玉階落中庭萋
兮綠草生廣室陰兮帷幄暗房櫳虛兮風泠泠感帷裳
兮發紅羅紛紛綵兮純素聲神眇眇兮密靚處君不御
兮誰爲榮俯視兮丹墀思君兮履綦仰視兮雲屋雙涕
兮橫流顧左右兮和顏酌羽觴兮銷憂惟人生兮一世
忽一過兮若浮已獨享兮高明處生民兮極休勉虞精
兮極樂與福祿兮無期綠衣兮白華自古兮有之至成

帝崩僖仔充奉園陵薨因葬園中

孝成趙皇后本長安宮人本宮ノ以賜陽阿主家也宮人若省中侍使宮婢名曰宮

人非天子掖庭中也事見漢舊儀言長安者以別甘泉等諸宮省也初生時父母不舉二

日不死乃收養之及壯屬陽阿主家學歌舞號曰飛燕

成帝嘗微行過陽阿主家作樂上見飛燕而說之召入

宮大幸有女弟復召入俱為僖仔貴傾後宮許后之廢

也上欲立趙僖仔為皇后嫌其所出微甚難之太后姊

子淳于長為侍中數往來傳語得太后指上立封趙僖

仔父臨為成陽侯後月餘乃立僖仔為皇后追以長前

白罷昌陵功封為定陵侯皇后既立寵少衰而弟絕幸

為昭儀居昭陽舍其中庭彤朱而殿上髮漆髮許求反一再漆也

切皆銅沓冒黃金塗切下結切門限也沓冒其頭也白

玉階壁帶往往為黃金釭函藍田璧明珠翠羽飾之帶

壁之橫木露出如帶壁帶之中以金為釭若車釭之形釭中著珠璧翠羽釭言自後宮未嘗

有焉姊弟專寵十年餘卒皆無子末年定陶王來朝王

祖母傳太后私賂遺趙皇后昭儀遂立定陶王為太子

明年春成帝崩帝素彊無疾病是時楚思王衍梁王立

來朝明日當辭去上宿供帳白虎殿又欲拜左將軍孔

光為丞相已刻侯印書贊昏夜平善鄉晨傳綉轂欲起
因失衣不能言晝漏上十刻而崩民間歸罪趙昭儀皇
太后詔大司馬莽曰皇帝暴崩群衆謹謹怪之掖庭令
輔等在後庭左右侍燕逼近雜與御史丞相廷尉治問
皇帝起居發病狀趙昭儀自殺哀帝既立尊趙皇后為
皇太后封太后弟侍中駙馬都尉欽為新成侯趙氏侯
者二人後數月司隸解光奏言臣聞許美人及故中宮
史曹官皆御幸孝成皇帝產子子隱不見臣遣從事掾
葉史望驗問知狀者掖庭獄丞籍武故中黃門王舜吳

恭靳嚴官婢曹曉道房張棄故趙昭儀御者于客子王
備臧菽等皆曰宮即曉子女前屬中宮為學事史通詩
授皇后房與宮對食元延元年中宮語房曰陛下幸宮
後數月曉入殿中見宮腹大問宮宮曰御幸有身其十
月中宮乳掖庭牛官令舍有婢六人中黃門田客持詔
記盛綠縹方底封御史中丞印予武曰取牛官令舍婦
人新產兒婢六人盡置暴室獄母問兒男女誰兒也武
迎置獄宮曰善藏我兒胞丞知是何等兒也後三日客
持詔記與武問兒死未手書對牘背武即書對兒見在

通志前漢后妃傳一 四十五
未死有頃客出曰上與昭儀大怒柰何不殺武叩頭啼
曰不殺兒自知當死殺之亦死即因客奏封事曰陛下
未有繼嗣子無貴賤唯留意奏入客復持詔記予武曰
今夜漏上五刻持兒與舜會東掖門武因問客陛下
得武書意何如曰慳也武以兒付舜舜受詔內兒殿中
為擇乳母告善養兒且有賞母令漏泄舜擇棄為乳母
時兒生八九日後三日客復持詔記封如前予武中有
封小綠篋記曰告武以篋中物書予獄中婦人武自臨
飲之武發篋中有裹藥二枚赫蹠書曰告偉能努力飲

此藥不可復入女自知之偉能即宮宮讀書已曰果也
欲姊弟擅天下我兒男也額上有壯髮類孝元皇帝今
兒安在危殺之矣柰何令長信聞之宮飲藥死後宮婢
六人召入出語武曰昭儀言女無過寧自殺邪若外家
也我曹言願自殺即自繆死武皆表奏狀棄所養兒十
一日宮長李南以詔書取兒去不知所置許美人前在
上林涿沐館數召入飾室中若舍一歲再三召留數月
或半歲御幸元延二年懷子其十一月乳詔使嚴持乳
醫及五種和藥丸三送美人所後客子偏兼聞昭儀謂

成帝曰常給我言從中宮來即從中宮來許美人兒何
從生中許氏竟當復立邪懟以手自擣以頭擊壁戶柱
從牀上自投地啼泣不肯食曰今當安置我欲歸耳帝
曰今故告之反怒為殊不可曉也帝亦不食昭儀曰陛
下自知是不食為何陛下常自言不負女今美人有子
竟負約謂何帝曰約以趙氏故不立許氏使天下無出
趙氏上者毋憂也後詔使嚴持綠囊書予許美人告嚴
曰美人當有以予女受來置飾室中簾南美人以葦篋
一合盛所生兒緘封及綠囊報書予嚴嚴持篋書置飾

室簾南去帝與昭儀坐使客子解篋緘未已帝使客子
偏兼皆出自閉戶獨與昭儀坐須臾開戶嘑客子偏兼
使緘封篋及綠緋方底推置屏風東恭受詔持篋方底
子武皆封以御史中丞印曰告武篋中有死兒埋屏麴
勿令人知武穿獄樓垣下為坎埋其中故長定許貴人
及故成都平阿侯家婢王業任嬖公孫習前免為庶人
詔召入屬昭儀為私婢成帝崩未幸梓官舍卒悲哀之
時昭儀自知罪惡大知業等故許氏王氏婢恐事泄而
以大婢羊子等賜予業等各且十人以慰其意屬無道

我家過失元延二年五月故掖庭令吾丘遵謂武曰掖
庭丞吏以下皆與昭儀合通無可與語者獨欲與武有
所言我無子武有子是家輕族人得無不敢乎掖庭中
御幸生子者輒死又飲藥傷墮者無數欲與武共言之
大臣驃騎將軍貪者錢不足計事奈何令長信得聞之
遵後病困謂武今我已死前所語事武不能獨為也慎語
臣謹案趙昭儀傾亂聖朝親滅繼嗣當伏族誅今同產
親屬尚在尊貴之位逼近帷幄非所以懲惡崇誼示四
方也請事窮竟丞相以下議正法哀帝於是免新成侯

趙欽欽兄子成陽侯訢皆為庶人將家屬徙遼西郡時
議郎耿育上疏言不宜暴露先帝私燕流傳後世遠聞
百蠻近布海內甚非先帝託後之意也哀帝為太子亦
頗得趙太后力遂不竟其事傳太后德趙太后趙太后
亦歸心故成帝母及王氏皆怨之哀帝崩王莽白太后
詔有司曰前皇太后與弟昭儀俱侍帷幄姊弟專寵殘
滅繼嗣以危宗廟悖天犯祖無為天下母之義貶皇太
后為孝成皇后徙居北宮後月餘詔復廢為庶人就其
園是日自殺凡立十六年而誅先是有童謠曰燕燕尾

涇涇張公子時相見木門倉琅根燕飛來啄皇孫皇孫
死燕啄矢成帝每微行常與張放俱而稱富平侯家故
曰張公子倉琅根宮門銅鏐也

孝元傳昭儀哀帝祖母也父河內溫人蚤卒母更嫁為
魏郡鄭翁妻生男惲昭儀少為上官太后才人自元帝
為太子得進幸元帝即位立為婕妤其有寵為人有才
畧善事人下至宮人左右飲酒酌地皆祝延之產一男
一女女為平都公主男為定陶恭王王有才藝尤愛於
上元帝既重傳昭儀及馮婕妤亦幸生中山孝王上欲

壽之於後宮以二人皆有子為王上尚在未得稱太后
乃更號曰昭儀賜以印綬在婕妤上昭其儀尊之也至
成哀時趙昭儀董昭儀皆無子猶稱焉元帝崩傳昭儀
隨王歸國稱定陶太后後十年恭王薨子代為王王母
曰丁姬傳太后躬自養視既壯大成帝無繼嗣時中山
孝王在元延四年中山孝王及定陶王皆入朝傳太后
多以珍寶賂遺趙昭儀及帝舅驃騎將軍王根陰為王
求漢嗣皆見上無子欲豫自結為久長計更稱譽定陶
王上亦自器之明年遂徵定陶王立為太子月餘天子

立楚孝王孫景為定陶王奉恭王後詔傳太后與太子
母丁姬自居定陶國邸頃之成帝母王太后以太子小
而傳太后抱養之令十日一至太子家丁姬以不養太
子獨不得成帝崩哀帝即位王太后詔令傳太后丁姬
十日一至未央宮高昌侯董宏希指上書言宜立丁姬為
帝太后師丹劾奏宏懷邪誤朝不道上初即位謙讓從
師丹言止後廼白令王太后下詔尊定陶恭王為恭皇
哀帝因是曰春秋母以子貴尊傳太后為恭皇太后丁
姬為恭皇后各置左右詹事食邑如長信宮中宮追尊

恭皇太后父為崇祖侯恭皇后父為襄德侯後歲餘遂
下詔曰漢家之制推親親以顯尊尊定陶恭皇之號不
宜復稱定陶其尊恭皇太后為帝太太后丁后為帝太
后後又更號帝太太后為皇太太后稱永信宮帝太后
稱中安宮而成帝母太皇太后本稱長信宮成帝趙后
為皇太后並四太后各置少府太僕秩皆中二千石為
恭皇立寢廟於京師比宣帝父悼皇考制度序昭穆於
前殿傳太后父同產第四人曰子孟中叔子元幼君子
孟子喜至大司馬封高武侯中叔子晏亦大司馬封孔

通志前漢后妃傳一 五十一
鄉侯幼君子商封汝昌侯為太后父崇祖侯後更號崇
祖曰汝昌哀侯太后同母弟鄭惲前死以惲子業為陽
信侯追尊惲為陽信節侯鄭氏傳氏侯者凡六人大司
馬二人九卿二千石六人侍中諸曹十餘人傳太后既
尊後尤驕與成帝母語至謂之嫗與中山孝王母馮太
后並事元帝追怨之陷以祝詛令自殺元壽元年崩合
葬渭陵稱孝元傳皇后云

定陶丁姬哀帝母也易祖師丁將軍之玄孫家在山陽
穀丘父至廬江太守始定陶恭王先為山陽王而丁氏

內其女為姬王后張氏無子唯丁姬河平四年生哀帝
丁姬為帝太后兩兄忠明明以帝舅封陽安侯忠早卒
封其子滿為平周侯太后叔父憲望望為左將軍憲為
太僕明為大司馬驃騎將軍輔政丁氏侯者凡二人大
司馬一人將軍九卿二千石六人侍中諸曹亦十餘人
丁傳以一二年間暴興尤盛建平二年丁太后崩哀帝
詔起陵恭皇之園遣大司馬驃騎將軍明東送葬于定
陶貴震山東哀帝崩王莽秉政使有司舉奏丁傳罪惡
莽以太皇太后詔皆免官爵丁氏徙歸故郡莽奏貶傳

通志卷之六十四 漢后女傳 五十一
太后號為定陶恭王母丁太后號曰丁姬元始五年莽
復言恭王母丁姬前懷帝太后皇太后璽綬以葬不
應禮請發恭王母及丁姬冢取其璽綬消滅徙恭王母
歸定陶葬恭王冢次而葬丁姬復其故太后以為既已
之事不須復發莽固爭之太后詔曰因故棺為致樽作
冢祠以太牢謁者護既發傳太后冢崩壓殺數百人開
丁姬樽口火出炎四五丈吏卒以水沃滅乃得入燒燔
擲中器物莽復奏言共王母及丁姬棺皆名梓宮及有
珠玉之服請更以木棺代去珠玉衣奏可既開傳太后

棺臭聞數里公卿在位皆阿莽指入錢帛遣子弟及諸
生四夷十餘萬人操持作具助將作掘平恭王母丁姬
故冢二旬間皆平莽又周棘其處以為世戒時有群燕
數千銜土投丁姬穿中丁傳既敗孔鄉侯晏將家屬徙
合浦宗族皆歸故郡唯高武侯喜得全自有傳

孝哀傳皇后定陶太后從弟子也哀帝為定陶王時傳
太后欲重親取以配王王入為漢太子傳氏女為妃哀
帝即位成帝大行尚在前殿而傳太后封傳妃父晏為孔
鄉侯與帝舅陽安侯丁明同日俱封時師丹諫以為天

下自王者所有親戚何患不富貴而倉卒若是其不長
久矣晏封後月餘傳妃立為皇后傳氏既盛晏最尊重
哀帝崩王莽白太皇太后下詔曰定陶共王太后與孔
鄉侯晏同心合謀背恩忘本專恣不軌與至尊同稱號終
沒至迺配食於左坐詩逆無道今令孝哀皇后退處桂
宮後月餘復與孝成趙皇后俱廢為庶人就其園自殺
孝元馮昭儀平帝祖母也元帝即位二年以選入後宮
時父奉世為執金吾昭儀始為長使數月至美人後五
年就館生男拜捷仔時父奉世為右將軍光祿勳奉世

長男野王為左馮翊父子並居朝廷議者以為器能當
其位非用女寵故也而馮捷仔內寵與傳昭儀等建昭
中上幸虎圈鬪獸後宮皆坐熊佚出圈攀檻欲上殿左
右貴人傳昭儀等皆驚走馮捷仔直前當熊而立左右
格殺熊上問人情驚懼何故前當熊捷仔對曰猛獸得
人則止妾恐熊至御座故以身當之元帝嗟嘆以此倍
加禮重傳昭儀等皆慙明年夏馮捷仔男立為信都王
尊捷仔為昭儀元帝崩為信都太后與王俱居儲元宮
河平中隨工之國後徙中山是為孝王後徵定陶王為

太子封中山王舅參爲宜鄉侯參馮太后少弟也是歲
孝王薨有一男嗣爲王時未滿歲有青病太后自養視
數禱祠解哀帝即位遣中郎謁者張由將醫治中山小
王由素有狂易病病發怒去西歸長安尚書簿責擅去
狀由恐因誣言中山太后祝詛上及太后太后即傳昭
儀也素常怨馮太后因是遣御史丁玄案驗盡收御者
官吏凡馮氏昆弟在國者百餘人分繫洛陽魏郡鉅鹿
數十日無所得更使中謁者令史立與丞相長史大馮
臚丞雜治立受傳太后指幾得封侯治馮太后女弟習

及寡弟婦君之死者數十人巫劉吾服祝詛醫徐遂成
言習君之曰武帝時醫脩氏刺治武帝得二十萬耳今
愈上不得封侯不如殺上令中山王代可得封立等劾
奏祝詛謀反大逆責問馮太后無服辭立曰熊之上殿
何其勇今何怯也太后還謂左右曰此乃中語前世事
吏何用知之是欲陷殺我也乃飲藥自殺先未死有司
請誅之上不忍致法廢爲庶人徙雲陽宮旣死有司復
奏太后死在未廢前有詔以諸侯王太后儀葬之宜鄉
侯參君之習夫及子當相坐者或自殺或伏法參女弁

為孝王后有兩女有司奏免為庶人與馮氏宗族徙歸
故郡張由以先告賜爵關內侯史立遷中太僕哀帝崩
大司徒孔光奏由前誣告骨肉立陷人入大辟為國家
結怨於天下以取秩遷獲爵邑幸蒙赦令請免為庶人
徙合浦云

中山衛姬平帝母也父子豪中山盧奴人官至衛尉子
豪女弟為宣帝婕妤生楚孝王長女又為元帝婕妤生
平陽公主成帝時中山孝王無子上以衛氏吉祥以子
豪少女配孝王元延四年生平帝平帝年二歲孝王薨

代為王哀帝崩無嗣太皇太后與王莽迎中山王立為
帝莽欲顛國權懲丁傳行事以帝為成帝後母衛姬及
外家不當得至京師乃更立宗室桃鄉侯子成都為中
山王奉孝王後遣少傅左將軍甄豐賜衛姬璽綬即拜
為中山孝王后以苦陘縣為湯沐邑又賜帝舅衛寶寶
弟玄爵關內侯賜帝三妹皆為封君食邑各二千戶莽
長子宇非莽隔絕衛氏恐久後受禍即私與衛寶通書
記教衛后上書謝恩因陳丁傳舊惡幾得至京師莽白
太皇太后下詔褒稱之復以中山故安戶七千益中山

后湯沐邑加賜及中山王黃金各百斤增傳相以下秩
衛后日夜啼泣思見帝而但益戶邑宇復教令上書求
至京師會事發覺莽殺宇盡誅衛氏支屬衛寶女為中
山王后免后徙合浦唯衛太后在王莽篡國廢為家人
後歲餘卒葬孝王旁

孝平王皇后安漢公大傅大司馬莽女也平帝即位年
九歲成帝母太皇太后稱制而莽秉政莽欲依霍光故
事以女配帝太后意不欲也莽設變詐令女必入因以
自重太后不得已而許之詔遣納采用太牢祠宗廟明

